

## INNKALLING TIL STYREMØTE

<b>Stad:</b>	Rådhuset i Fjell, Komitesalen
<b>Dato:</b>	13. juni 2016
<b>Tid:</b>	09.00 – 11.00

10/16	<b>Godkjenning av referat frå sist møte</b>	
11/16	<b>Referatsakar</b> <ul style="list-style-type: none"> <li>- Tilskot til veier, breiband og andre digitaliseringstiltak i kommunar som skal slå seg saman</li> <li>- Nasjonal transportplan 2018-2029</li> <li>- Dialogmøte mellom regionråda/kommunane, fylkeskommunen og Statens vegvesen</li> <li>- Førespurnad om styrekandidat til Stiftinga Kystsogevøkene</li> <li>- Tilskot til omstilling i petroleumsindustrien i Hordaland</li> </ul>	
12/16	<b>Gode Sirklar</b> «Korleis sikra eigarskap og oppfølging av dei gode prosjekta som vert gjennomført i regi av Gode Sirklar, både administrativt og politisk.» Sverre Konrad Nilsen v /Sintef	
13/16	<b>Samarbeid og koordinering av reiselivssatsinga</b> Sigmund Kvernes frå Gode Sirklar kjem og presenterer den nye forretningsmodellen til «Bergen ny reiselivslag». Christel Møvik Olsen, Kulturleiar i Øygarden, kjem til møte for å presentere koordinering av prosjekt i reiselivssatsinga.	
14/16	<b>Kystsonoplan</b> Korleis kan ein sette i gang eit samarbeidsprosjekt i regionen med tanke på få på plass ei heilskapleg forvaltning av sjøareala? Vedlagt presentasjon er frå Arnt- Ivar Kverndal frå Gode Sirklar	
15/16	<b>Skjønsmidlar</b> Tildeling av skjønsmidlar frå Fylkesmannen. Fylkesmannen gjev tilskot til 32 av 59 motteke søknadar frå kommunane.  Oversikt over prosjekt som fekk skjønsmidlar i 2015.	
16/16	<b>Gjennomgang av retningsliner og vedtekter</b> Sak frå førre møte. Gjennomgang av reviderte vedtekter og retningsliner.	

17/16	<b>Ymse</b> <u>Oppfølging av kommunereforma.</u> 20. mai vert det felles presentasjon frå spørjeundersøkinga. Sakgrunnlaget skal vere ferdig til 20.mai, og rådmenna tilrår at saka ligg føre i forkant av møte for å kvalitet sikrast. Er det noko til dette møtet som er viktig å ha drøfta i Regionrådet?	
-------	--	--

Tillegg saksliste

### **Interkommunalt samarbeid kring språkforenkling av brevmalar**

Sak frå kommunestyret i Øygarden. *Vil det tas initiativ til ein gjennomgang av kommunens brev med sikte på språkforenkling?*  
Øygarden kommune hadde våren 2015 besøk frå Landssamanslutning for nynorskkommunar som kunne tilby kurs for tilsette som både handla om forbetring og forenkling av språk i sakshandsaminga.  
- Interkommunalt samarbeid?



REGIONRÅDET  
VEST

## Referatsaker til styremøte i Regionrådet Vest 2.mai. 2016

- Tilskot til vegar, breiband og andre digitaliseringstiltak i kommunar som skal slå seg saman  
Kommunal- og moderniseringsdepartementet kunngjør at det er mogleg å søkje om støtte til vegar, breiband og andre digitaliseringstiltak i kommunar som har fatta vedtak om samanslåing innan 1.juli 2016. Det kunne søkast støtte til etablering eller forbetring innanfor desse områda.  
Søknadsfristen var 11.april – og det var lagt opp til at ein kunne søke før det er fatta lokale vedtak om at kommunane skulle slå seg saman.  
I Region Vest vart det.....
- Nasjonal transportplan 2018-2029  
Samferdselsdepartementet har sendt transportetatane sitt framlegg til Nasjonal transportplan 2018-2029 på høyring med frist 1.juni 2016. Fleire prioriterte prosjekt i Hordaland er på plass i fagetatane sitt grunnlagsdokument til Nasjonal transportplan, men det er likevel store behov i fylket og vanskelege prioriteringar som må gjerast.  
Hordaland fylkeskommune, Bergen kommune, Bergen Næringsråd samt NHO og Lo har teke eit felles initiativ til møte for å få fram felles prioriteringar i høyringa.  
Det var eit møte på dette i Bergen 13.april.
- Dialogmøte mellom regionråda/kommunane, fylkeskommunen og Statens vegvesen  
Hordaland fylkeskommune ønskjer saman med Statens vegvesen å invitere alle regionråda/kommunane i Hordaland til dialogmøte.  
Møta vert organisert kommunevis, og i den grad det lar seg gjere, gjennom etablerte forum slik som regionråda. Møta skal finne stad tidleg haust 2016. (møteplanen til Regionrådet Vest er sendt inn)  
Aktuelle tema:
  - Nytt fylkesting og kommunestyre/regionråd (2015-2018)
  - Arbeidet med Regional transportplan, planprosess og høyringsinnspel
  - Status og utfordringar på fylkesvegnettet
  - Aktuelle saker og prosjekt i vedkommande regionråd/kommunane
- Førespurnad om styrekandidat til Stiftinga Kystsovevekene  
Stiftinga Kystsovevekene sitt øvste organ er styret. Styret er valt av representantskapet som er satt saman av eit medlem, oftast ordføraren, får kvar av dei 22 kommunane som er med i Stiftinga Kystsovevekene, og av fylkeskommunen.  
Stiftinga har ikkje eigen valkomite, og i tråd med tidlegare praksis, ønskjer dei regionråda si hjelp til å finne styrekandidatar. Ein ber om at Regionråda i Nordhordland, Vest, Sunnhordland og Bergensalliansen kjem med framlegg om to kandidatar til styret, ein av kvar kjønn, som kan representere sin region.  
Årsmøte i Representantskapet var 23.april. Kandidatar som er valt inn.....



REGIONRÅDET  
VEST

- Tilskot til omstilling i petroleumsindustrien i Hordaland

Målet med tilskotsordninga er å stimulere til prosjekt og tiltak som anten medverkar til å handtera konsekvensane av nedbemanning og permiteringar i sektoren, eller til å styrkje og vidareutvikla bedrifter innan sektoren direkte eller indirekte.

Midlane skal nyttast som utløysande delfinansiering av konkrete tiltak og prosjekt knytt til kompetanseheving, omstilling, innovasjon og nyskaping.

Målgruppa er alle offentlege og private aktørar og organisasjonar som vil medverke til omstilling i leverandørindustrien.

Søknadsfrist ikkje satt- søke heile tida.

### Tildeling av skjønsmidler Region Vest 2016

Kommune	Tema	Søknad	Søknadsbeløp	Tilskot	Prioriterings nr frå Regionrådet
Fjell, Sund og Øygarden	Helse og omsorg	Velferdsteknologi i Vest	3 500 000	1 000 000	1
«	«	Vest Ekstra	1 450 000	500 000	4
«	Beredskap og samfunnstryggleik	Kompetanseløft Beredskap	150 000	150 000	2
«	Miljøvern og landbruk	Klimautgreiing i Region Vest	600 000	0	3
Fjell	Barn og unge	Regionalt barnevern samarbeid	2 760 000	1 800 000	Ikkje prioritert
Fjell	«	Tverrfagleg buoppfølging	1 500 000	0	Ikkje prioritert



# Retningslinjer for arbeidet i Regionråd Vest

## I § 1 i vedtektene for Regionråd Vest heiter det:

”Regionråd Vest er eit rådgjevande og koordinerande organ for kommunane Sund, Fjell og Øygarden. Regionrådet skal fremje forpliktande samarbeid mellom kommunane, og vidareutvikling av regionen.”

## 1. UTVIKLING AV REGIONEN

Felles bu- og arbeidsmarknad krev felles løysingar sett i ein større samanheng. Å sjå dei tre kommunane saman i eit eige råd, er naturleg og høveleg både ut frå historisk og framtidstretta tenking. Kommunane har ein geografisk nærleik og er einsarta på mange område. Kysten med fjordbasseng og havet i vest peikar i retning marin aktivitet og energi, men mangfaldet av aktivitet er og tydeleg.

Felles tilnærming og tenking kring overordna regional utvikling og infrastruktur er viktig og naturleg.

Kommunane har over lengre tid bygd nettverk med både formalisert og uformelt samarbeid. Utfordringane for kommunenorge når det gjeld økonomi og kompetansemessige føresetnader gjer det dessutan naudsynt å finna løysingar for samarbeid og samhandling.

Våre innbyggjarar er opptekne av dei beste løysingane, ikkje kvar dei vert gjort eller kven som gjer det. Vår oppgåve er å finne den beste løysinga sett i ein større samanheng.

## 2. NÆRING

Det er etablert ein organisasjon sentralt for store deler av Hordaland – nærings samarbeidet rundt Bergen: Business Region Bergen. Alle kommunane våre er medeigarar i BRB og har god tilknytning til organisasjonen og etablerte nettverk. Det som og er viktig i denne samanheng er krafta i den lokale næringsutviklinga.

Gode Sirklar med tyngdepunkt i Sund, Fjell og Øygarden, skal vere det utøvande organ for næringsutvikling i desse kommunane.

Kompetansen i næringslivet er tydeleg og viser seg ved verdsleiande aktivitet på mange områder og rikt mangfald.

## 3. ORGANISERING AV TENESTEAPPARATET

Framover er det viktig å leggja til grunn ei framtidstretta og godt gjennomtenkt funksjonsdeling innan kvar kommune og mellom kommunane. Fyrst og fremst lyt økonomiske realiteter og kompetanse leggjast til grunn. Når ein kommune har spesielle



fortrinn framfor ein annan på eit felt, er det viktig at desse fortrinna kjem dei andre til gode. Vår oppgåve vert å nyttiggjere oss desse fortrinna til felles beste for alle dei tre kommunane. Dette opnar for, og kan føra til nye måtar å gje tenester, på tvers av kommunegrensene. Vi snakkar både om ei spesialisering og samordning.

#### **4. STYRANDE MYNDE**

Det er ordførarane som utgjer styringskompetansen i Regionrådet på bakgrunn av vedtak i eigen kommune. Rådmennene deltek på styremøta/ordførarmøta med tale og framleggsrett.

Vedtektene tilseier at prinsipielle saker skal handsamast i kvar einskild kommune.



## Vedtekter Regionrådet Vest

### **§ 1 Føremål**

Regionrådet Vest er eit rådgjevande og koordinerande organ for Fjell, Sund og Øygarden. Regionrådet skal fremja forpliktande samarbeid mellom kommunane, og vidareutvikling av regionen.

### **§ 2 Medlemskap**

Kommunane Fjell, Sund og Øygarden er med i regionrådet.

### **§ 3 Regionstyret**

Kommunane er representert i regionstyret med sine tre ordførarar. Regionstyret er funksjonsdyktig når 2 av medlemmane er til stades.

Kvar ordførar har 1 stemme.

Varaordførar trer inn i regionstyret ved dei respektive ordførar sine forfall.

Regionstyret sin leiar og nestleiar vert vald mellom ordførarane, for 2 år av gangen.

Ved likt stemmetal tel leiaren sin stemme dobbelt.

Rådmenna i dei deltakande kommunane har tale- og forslagsrett i regionstyret sine møte.

### **§ 4 Sekretariat**

Sekretariatet vert ivareteke av medlemskommunane. Sekretariatsfunksjonen går på omgang, med 2 års lengd i kvar kommune.

### **§ 5 Kontingent**

Medlemskontingent vert utrekna etter ein modell med 50% flatt og 50% etter innbyggjartal.

### **§ 6 Vedtektsendring**

Endring av vedtekta må gjerast med 2/3 fleirtal av eit fulltalig styre og godkjennast i kommunestyra.

### **§ 7 Utmelding**

Utmelding frå regionrådet kan finna stad pr. 01.01 kvart år og vil bli gjort gjeldande frå 01.01 påfølgjande år. Kommunar som melder seg ut må stå ved sine økonomiske forpliktingar som er utrekna etter kommunen sitt folketal. Frå tidspunktet for utmelding mister kommunen sin plass i regionstyret.

### **§ 8 Oppløysing**

Vedtak om oppløysing av Regionrådet Vest vert gjort med 2/3 fleirtal av eit fulltalig styre og etter godkjenning av kommunestyra.